

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Aliqvot // [Aliquot] Epistolæ Reverendi // Patris Piæ
Memoriæ D. // Martini Lutheri quibusdam Theologis // ad
Augustana comitia Anno 1530 scri//ptæ**

Luther, Martin

[S.l.], 1549

VD16 L 3724

Philippo Melanthoni Praeceptoris suo charissimo. S. S. Vitus Theodorus.

urn:nbn:de:bsz:31-61767

PHILIPPO MELAN-

thoni Præceptori suo charissimo.

S. D. VITUS Theodorus.

Nescis mi Philippe quam ego de ualitudine
tua sim sollicitus, Teq; per Christum rogo
ne Doctoris ad te literas otiosas esse putes.
Non possum non satis mirari singularem hominis
in his acerbissimis temporibus constantiam, hilarita-
tatem, fidem, spem. Assidue autem illa diligen-
tiore uerbi Dei tractatione alit. Nullus abit dies,
quin ut minimum tres horas, easq; studijs aptissimas
in orationem ponat. Semel mihi contigit ut oran-
tem eum audirem, Bone Deus, quantus spiritus,
quanta fides in ipsis uerbis inest. Tanta reuerentia
aliquid petit, ut cum Deo, tanta spe & fide, ut
cum patre & amico se loqui sentiat. Scio (aiebat)
te patrem & Deum nostrum esse. Certus igitur
sum quod filiorum tuorum persecutores sis perdi-
turus. Quod si non facies, tuum periculum cum
nostro est coniunctum. Tuum hoc negocium est
totum, nos ad id coacti accessimus. Tu igitur de-
fendes. In hæc fere uerba dum orantem clara uoce
procul stans audirem, ardebat mihi quoq; animus
singulari quodam impetu, cum sic amice sic graui-
ter sic reuerenter cum Deo loqueretur, & inter
orandum promissiones ex Psalmis sic urgeret, ut

A ij

qui

Oratio
Luthera
plena in
sua Spi-
ritualit
filej.

qui certus esset omnia, euentura esse quæ peteret,
Non igitur dubito quin preces eius magnum mo-
mentum ad desperatam hanc causam comitiorum
sint allaturæ. Ego multum mali Saltzburgensi illi
Doôèg Edomitæ imprecor, quod sic te cruciauit.
Doctör aiebat, Si tuo loco fuisset sic resposurum
esse. Wirdt ewer Keyser turbationem rei-
publicæ nicht wollen leiden / So wirdt
vnser Keyser auch illam Blasphemiam nicht
wollen leiden / Trotz nur getrost auff
ewern Keyser / so wollen wir auff vn-
sern auch trozen / vnd sehen wer das
feldt behelt. Et tu mi Præceptor longe re-
ctius faceres, si hac etiam in parte Doctorem no-
strum imitarere. Neq; enim miseris curis & in-
ertibus lachrymis quicquam aliud effeceris, quara
ut tibi & nobis omnibus, quibus salute tua nihil est
utilius nec iucundius, tristissimum exitum pares.
Ego diligenter pro te omnibusq; uobis quantum
possum oro, Deus noster, cuius causa ab impijs ho-
minibus damnatur, perdat gentes, quæ bella uo-
lunt & eripiat nos miserum gregem suum ex cru-
delis manu cædem & sanguinem nostrum queren-
te Amen. Iam mi præceptor uale in nostro Chri-
sto felicissime, & ignosce huic Epistolæ, Scis enim
meum erga te animum. uale rursum. Ex Ere-
mo uostra. 30. Iulij. Anno. 1530.

Doctör